

Alegria y Fantasía

cu BON DIA ARUBA

Nos prendanan & Stars of Hollywood precioso

Ta haci nos corda riba e parada di Tivoli di Giselle Croes



Diadomingo tur hende tabata riba pia pa mira kiko e ballonnen op-tocht lo trece y kiko esaki lo por adelantá pa loke por spera di e parada di mucha.

Un di e promé eventonan cu lo duna e cara di loke ta Carnaval 1995.

Cortico pero bunita tabata e contesta.

E carozza di "Nos

Prendanan" a haci un y tur recordá e mahestuoso presentacion di Giselle Croes, Reina di Carnaval cu e tempo ey a bin cu "Gem Stones".

Combersando cu esnan cu ta wordo considerá e pilarnan di Carnaval nos por a comprendé cu e Lighting Parade lo ta bunita.

Den Tivoli semper tin un ambiente y amor grandi pa Carnaval. No obstante kende ta dirigí e club, semper e miembronan ta reuni y ta apoyá otro internamente y ta participá den Carnaval y mantené e tradicion. Esey ta algo cu bo no por kita for di Tivoli, cu na 1996 lo ta grandisimo den cuadro di su celebracion di 60 aña di existencia. □



Sak'e Boem Boem

Un saludo special pa sr. Emile de Cuba cu ta sufriendo un quebrante di salud y lo sali pa Houston pa tratamiento. Emile, un di e grandinan di Aruba su Carnaval inquieto dor cu e no por ta cu su grupo Los Laga Bai, ta afirmá cu Los Laga Bai lo sigui y lo tey den grandi cu Robert & su Solo Banda Show. Tur cos ta sigui normal, apoyá Carnaval participá y goza di nos festival.